

西京著述多矣會集刊之二

棧正兩京新記

張繼題



校正兩京新記序

唐麗正殿直學士韋述著兩京新記五卷；玉海云：「韋述開元中撰述，謂兩京創自隋代，至開元百有餘年，乃載其廢置遷徙之由。西京始於開皇東都起於大業云云」。夫地理之書，在當時賢者多不屑記；及時過境遷，又無所憑籍，而不能記；自古以來輿地之學，所以少善本也。韋氏以當時之人，述近代之建置興廢；其爲術固善矣；宜其書之足傳也。下及宋代宋敏求演之，遂成長安志西京記二書。西京者，洛陽也。隋唐以長安爲西京，洛陽爲東京，宋都汴梁以洛陽爲西京汴梁爲東京。宋氏宋人故如是命名爾。宋氏之書久佚；現行之長安志，乃明人僞書耳，故謬誤百出。河南通志殘軼，係徐松由永樂大典錄出者，亦經元人點竄。是二書者，雖非當日原本；吾人今日讀之，猶覺其珍貴足寶，以此二本外，兩京舊籍，皆非其匹也。飲水思源，若韋氏原著，則片紙皆寶籙矣。韋氏之書，前人雖多引據，但早經散佚，許久以

來，無由窺其真面目也。乃遠隔瀛海，竟有如是殘編，復還故土；不可謂非藝林之幸事矣。此殘本舊存東洋金澤文庫，錯簡太甚；近世中土翻刻者，義取慎重，皆仍其舊，以存本真。揆諸夏五、郭公之例，爲道誠得；律以實事求是之概，斯則未免拘泥矣。夫私意造作，爲事誠不可有，而撥雲見日，在理抑豈可無？在學術上，舊時所積蒙翳，一旦掃而除之，亦人間一快事也。本會專門委員陳子怡先生，對於此書，所以即加修正者，正由於此。而修正所憑，則用長安志作標準，又恐見解不澈，以誤易誤；從蔡氏修武城之例，仍存原文於後，以便閱者之自擇，此則面面俱到矣。

中華民國二十五年四月十日

龔賢明

校正兩京新記

唐韋述撰

(上缺)成當往及經畢開元四年八十一卒給事中中裴子餘爲其碑文左衛長史郭謙

八分書之

次南曰永遠坊次南曰道德坊

隋有澄虛觀武德中廢

次南曰光行坊次南曰延祚坊


坊南街抵京城之南

右朱雀街西九坊

朱雀西第二街此當皇城南面之含光門街西從此第一曰太平坊西南隅溫國寺

景帝九年殤帝爲溫王立寺內淨土院爲京城之最妙

校正兩京新記



西門之北定水寺

隋開皇十年荊州總官上明公楊紀爲禪師慧能所立

東南隅舒王元名宅

今爲戶部尙書尹思貞居之

次南曰通義坊西南隅興聖尼寺

高祖潛龍舊宅武德元年以爲通義宮六年高祖臨幸大晏羣臣引見隣里父老班賜有差

貞觀元年立爲寺今見在景雲二年寢堂前枯柿樹忽更生枝葉鬱茂如故有勅封植焉

次南曰興化坊西隅空觀寺

隋開皇七年右衛大將駙馬都尉洵陽公元孝矩捨宅立

西門之北今邠王守禮宅

宅南隔街有邠王府

次南曰崇德坊西南隅崇聖坊

隋仁元壽年秦孝王俊捨宅所立

東北隅證果尼寺

隋開皇二年

次南曰懷真坊西南隅御史大夫樂思晦宅次南曰宣義坊次南曰豐安坊次南曰昌明坊次南曰安樂坊

坊南街抵京城之南面

右朱雀街西第二街九坊

朱雀街之西第三街即皇城西之第一街

南出安化門北出芳林門入苑

街西從北第一曰循德坊西北隅興福寺

木左領軍大將軍彭國公王君廓宅貞觀八年太宗爲穆皇后竇氏追福立制度華麗爲京城之壯觀寺內有碑面文賀蘭敏之寫金剛經陰文寺僧懷仁集王羲之書寫太宗聖教序

及高宗述聖記爲時所重

次東曰輔興坊東南隅金仙女官觀

景雲二年睿宗第八女西城公主及第九女昌宗公主竝出家爲立二觀改西城爲金仙昌宗爲玉真仍以公主湯沐邑爲二觀之口制度造爲京城之華麗口

西南隅玉真女觀官

本工部尙書華國公寶誕宅武太后時以其地爲崇先府景雲二年爲玉真公主立爲觀事源物制與金仙同此二觀南街東當皇城之安福門西出京城之開遠門車馬往來實爲繁會而二觀門樓綺榭簞對通衢而土夷夏自遠西至者入城遙望窅若天中

次南曰頒政坊南門之東曰龍興寺

貞觀五年太子承乾所立西北隅本隋之慧雲寺舊有佛殿今見在有鄭法輪之書跡十字街東之北建法尼寺

隋開皇三年坊人田通所立隋文帝初移都便出寺額一百枚於朝堂下制云有能修造便

任取之通孤貧孑然唯有園堵之室乃發憤詣闕請額而還置於所居柴門甕牖上穿下漏時陳臨賀王叔教母與居又捨宅以足之其寺方漸營建也

十字街北之東澄空尼寺

木工部尙書段綸之祖廟貞觀十七年立爲真空寺武太后改爲澄空寺

西北隅大崇福觀

本楊士宅咸亨中爲太平公主立有道士劉寶概者京兆三原人善講論爲時所重垂拱中

卒御史中丞李嗣真臨弔哭賦詩中意

次南曰布政寺西門之南法海寺

本隋江南總管清水公賀拔華宅開皇七年爲口沙門法海捨宅奏立爲寺因以法海爲名咸亨元年寺內有英禪師具言見鬼寺主沙門惠簡嘗曰晚見二人行不踐地入英房中惠簡怪而問英曰向秦莊襄王遣人傳語饑虛甚久以師大慈從師乞一餐並從者三百許人勿辭勞費也吾已報云後日晚食當來專相俟也惠簡便以酒脯助之至時秦王果至侍從

甚衆貴賤羅列食甚急謂英曰弟子不食八十年矣英問其故答曰吾生時未有佛法地下見責功德吾但以放赦矜恤應之以福薄受罪未了受此一餐更四十年矣因指坐上人曰此是白起此是王翦爲殺人多受罪未了又指一人云此是陳軫爲多虛詐亦受罪未了英曰王何不從素食自受飢窘答曰慈心人少且餘人又不相見吾貴人又不可妄作禍崇所以然也因指酒脯曰寺主將來耶深有所愧臨去謂英曰甚愧禪師弟子有物在即這相償城東通化門尖家是弟子慕俗人不知妄云呂不韋家英曰往遭赤眉發掘何得更有物在鬼曰賊將蟲物去好者深賊取不得今見在英曰貧道出家無用物處必莫將來言訖揖謝而去

北門之東濟法寺

隋開皇二年沙門法藏所立

十字街之東北明覺尼寺

本隋御史大夫裴蘊宅開皇中太保河間王弘立爲寺開皇七年鑄鐘未擊自鳴散騎常侍

元行冲以贊其事焉

東北隅右金吾衛西南隅胡祆祠

武德四年所立西域胡天神佛經所謂摩酰首羅也

次南曰延壽坊南門之西懿德寺

隋開皇六年刑部尙書萬安公李圓通所立神龍元年中宗爲懿德太子追福重加飾爲禪院內有大石重五百斤隋末鄆縣人開法通自終南社來法通少出家初極怯劣同侶輕之乃發憤乞願壯健晝夜不捨後因晝寐樹下口中涎沫流出三升其母遽呼覺通曰忽夢大人遣三馱藟使通噉之適噉一馱便驚悟耳自爾健壯特異舉試大木石不以爲困此寺僧行戡本稱膂力通遂竊其袈裟舉堂柱以壓之行戡望見驚異盡力莫能取之通乃徐舉柱以取衆大駭通力兼百人咸伏以爲神力

次南曰光德坊東南隅京兆府廡

後魏武光四年置府內廡宇竝隋開皇中制度其後隨事改作開元元年孟溫禮爲京兆尹

以贖贖錢修理繕緝焉

西南隅勝光寺

本隋幽州總管燕榮宅寺西院有畫行僧及團花貞觀初中口令王定所寫爲京城所重

十字街東之北慈悲寺

武德元年高宗爲沙門曇獻所立初曇獻屬隋隋末饑饉常以賑濟貧乏爲事故以慈悲爲名

次南曰延康坊西南隅西明寺

本隋尙書令越國公楊素宅大業中素子玄感誅後沒官武德初爲萬春公主宅貞觀中賜濮恭王恭王死後官市立寺寺內有楊素舊井玄感被誅家人以金投井後人窺見鈎汲無所獲今寺衆謂之靈井在僧廚院內初楊素用事隋朝奢僭過度制造珍異資貨儲積有美姬本陳太子舍人徐德言妻即陳主叔寶之妹才色冠代在陳封樂昌公主初與德言夫妻情義甚篤屬陳氏將亡德言垂泣謂妻曰今國破家亡必不相保以子才色必入帝王貴人

家我若死幸無相忘若生亦不可復相見矣雖然共爲一信乃擊破一鏡各收其半德言曰子若入貴人家幸將此鏡合於正月望日市中貨之若存當冀志之知生死耳及陳滅其妻果爲隋軍所沒隋文以賜素深爲素所寵嬖爲營別院恣其所欲陳氏後令闍奴望日齋破鏡詣市務令高價果值德言德言隋價便酬引奴歸家垂涕以告其故並取已片鏡合之及寄其妻題詩云鏡與人俱去鏡歸人不歸無復嫦娥影空餘明月輝陳氏得鏡見詩悲愴流涕因不能飲食素怪其慘悴而問其故具以事故告素以慘然爲之改容使召德言還其妻並衣食悉與之陳氏臨行素邀令作詩叙別固辭不免乃爲絕句曰今日何遷次新官對舊官笑啼俱不敢方驗作人難時人哀陳氏之流落而以素爲寬惠焉

東南隅靜法寺

隋開皇十年右武侯大將軍陳國公竇機立西院中有水浮閣機弟璠爲母成安公主立高一百五十尺皆伐機園梨木充用焉

次南曰崇賢坊十字街北之西大覺寺

開皇三年文帝醫人周子祭所立子祭家代方術深爲隋主所重其他木祭之佛堂也
西門之南法明尼寺

開皇八年長安富商王道賓捨宅所立

次南曰延福坊西隅紀國寺

開皇六年獻皇后爲母紀國夫人崔氏所立也

東南隅鄴王府

舊新都寺廢今爲鄴王府

次南曰永安坊次南曰敦義坊次南曰大通坊次南曰大安坊南街抵京城之東面
右皇城西之十三坊

朱雀街西之第四街即皇城之第三街街西從北第一曰安定坊東南隅千福寺

本章懷太子宅咸亨四年捨宅立爲寺

西南隅福林寺

武德元年所立

東北隅五通觀

隋開皇八年爲道士焦子順所立子順能驅使鬼神受諸符籙預告隋文帝受命之應及即位授上開府永安公徐州刺史固辭常諮謀軍國出臥內帝恐其往還疲頓令選近於此立觀仍以五通爲名焉

次南曰休祥坊東北隅崇福寺

本開府儀同三司觀國公楊恭仁宅咸亨元年以武皇后外氏故宅立

東南隅萬善尼寺

周宣帝大象二年立開皇二年度周氏皇后嬪御已下千餘人爲尼以處之也

寺西昭成尼寺

先天二年爲昭成皇后立爲昭成寺

次南曰金城坊

本漢博望苑之地初移都割以爲坊百姓分地板築土中見金欲取便無以事上開隋文曰
此朕之金城之化因以金城爲坊名

北門有漢辰園

即辰太子史良娣墓宣帝改葬於此其地本曰亭

園東南漢博望園

漢武帝爲辰太子立本在門外道之東也

東南隅開善尼寺

隋開皇中宮人陳宣華蔡容華二人所立

西南隅會昌寺

義寧元年義師入關太宗頓兵於此武德元年因立此寺

十字街之東南樂善寺

開皇六年尉遲迥孫大師爲其祖所立焉

次南曰醴泉坊

開皇初築此坊忽聞金石之聲因掘得甘泉七所飲者疾癒以名坊及寺焉

西南隅三洞女官觀

隋開皇七年所立也

觀北妙勝尼寺

開皇三年周平原公主所立

十字街北之醴泉寺

初隋文此置醴泉監以甘泉水供御開皇十三年廢監立寺焉

十字街南之東波斯胡寺

儀鳳二年波斯王畢路斯奏請於此置波斯寺

西北隅稜祠次南曰西市

隋曰利人市南北盡兩坊之地隸太府寺市內店肆如東市之制市署前有大衣行雜糴貨

賣之所記言反說不可解識市西北有溝池以爲放生之所池側有佛堂皆沙門法成所造
市署前有市令載敏碑蒲州司兵徐彥伯南其父也

次南曰懷遠坊東南隅大雲經寺

開皇四年文帝爲沙門法經所立

寺內有二浮閣東西相值

隋文帝立塔內有鄒法輪田僧亮揚契丹畫跡及巧工韓伯通素作佛像故以三絕爲名

十字街東之北功德尼寺

隋開皇七年周宣帝女細要公主武德中移於此

次南曰長壽坊西南隅長安縣廨去府六里

南門之東永泰寺

神龍中中宗爲永泰公主追福所立寺內中精舍有隋中大夫鄭法士畫釋迦滅度之變左
口廊有滕王庫真李雅畫聖僧之跡也

北門之東大法寺

武德中左光祿大夫李遠所立焉

十字街西之北崇義寺

武德二年桂陽公主爲駙馬趙慈景所立焉

次南曰嘉會坊西南隅哀義寺

本隋大保吳武公尉遲剛宅初剛兄廻置妙象寺於故都城中後剛捨宅復立於此改名哀

義寺其殿堂口字竝故都舊寺之材木

十字街西之北靈安寺

武德三年高祖爲衛懷王玄霸所立

次南曰永平坊東門之北宣化尼寺

隋開皇五年周昌樂公主及駙馬都尉尉遲安捨宅立寺門金剛上人雍法雅所制頗有靈

跡有一尼常傾心供養武太后移住東都至坊北隅牛住不行牽口益重其尼拜咒便動至

都隋於天堂供養後天堂災因是燼滅

次南曰通軌坊次南曰歸義坊全一坊隋蜀王秀宅

隋文帝以京城南面闊遠恐竟虛耗乃使諸子竝於南郭立第時秀有寵封土殷富起第最華今周垣舊跡見在秀死後沒官今爲家令寺園

次南曰昭行坊

坊南街抵京城之南面

右皇城西之第二街之十一坊及西市

朱雀街西第五街即皇城西第三街街西從北第一曰修真坊

今坊之南門門扉即周之太廟門板也

坊內有漢靈臺

漢平帝元始四年所立望雲物之所今餘趾高五尺周廻一百二十步

次南曰普寧坊

南街西出通開遠門

坊西街有漢大學餘趾

其地本長安故城南安門之外焉

次東漢辟雍

漢元始四年所立

東南隅東明觀

明慶元年孝敬升儲所立規度口西明之制長廊廣殿圖畫雕刻道家館舍無以爲比觀內

有道士馮黃庭碑又有道士巴西李榮碑永樂李正己爲其父也

十字街東之北靈化寺

隋開皇二年沙門善告所立其地本告之宅講堂北有古冢不詳姓名高五丈僧徒射墓口

人儀丈偉然乘白馬者白袴褶翼從甚衆或有墾掘冢土多見災異焉

西北隅祔祠次南曰義寧坊南門之東化度寺

隋左僕射齊國公高穎宅開皇三年穎捨宅奏立爲寺時有沙門信行自山東來穎立院以處之乃撰三階集三十餘卷大率以精苦忍辱爲宗言人有三等賢愚中庸今並敬之故以三階爲名其化頗行故爲化度寺寺內有無盡藏院即信行所立京城施捨後漸崇盛貞觀之後錢帛金繡積聚不可勝數常使名僧監藏供天下伽藍修理藏內所供天下伽藍修理燕涼蜀趙咸來取給每日所出亦不勝數或有舉便亦不作文約但往至期還送而已貞觀中有裴玄智戒行修謹入寺灑掃十數年間寺內徒衆以其行無玷缺使守此藏後密盜黃金前後所漸略不知數寺衆莫之知也口便不還衆驚觀其寢房內題詩云將軍遺狼口放置狗前頭自非阿羅漢誰能免作偷竟不知所之武太后移此藏於東都福祿寺大下物口遂不復集乃還移舊所開元元年勅令毀除所有錢帛供京城諸寺修緝毀壞其事遂廢

西北隅積善尼寺

隋開皇十二年左僕射高穎妻拔氏所立其地本賀拔氏之別第

十字街東之北波斯胡寺次南曰居德坊

南街西出通金光門坊內隋有依法寶岸凝觀寺大業中口時凝觀寺有僧法慶造丈六挾紵像未成恭死時寶昌寺僧大智同日亦卒三日並蘇云見官曹室殿土有一人似若王者見法慶在前有一像忽來爲殿上人曰慶造我未成何乃令死便檢之簿云慶食盡而命未終殿上人曰可給荷葉已終其年言訖而忽失所在大智便蘇衆異之乃往凝觀寺問慶時亦蘇說皆符慶遂不復能食每日朝進荷葉六枝齊時進入枝如此終身同流請乞以成其像像今見在光天寺渭南人單道琮永徽中因病風瘡後便皆食具不復經口便噉土飲水以終其身時人謂口人口也

東南隅光天寺

口口口漢園丘餘趾光天元年改爲光天寺

西北隅普集寺

開皇七年突厥開府儀同三司鮮于遵義捨宅立寺傳口口曆帝西域胡人善咒術常咒枯楊使生枝葉

南門之西奉恩寺

本將軍尉遲樂宅神龍二年立爲寺也

次南曰羣賢坊東門之南真心尼寺

開皇八年宦者儀同宋祥捨宅所立也

十字街之北真化尼寺

開皇十年冀州刺史馮臘捨宅所立

東南隅中宗昭容上官氏宅

今爲南陽縣主所居之

次南曰懷德坊

南門之東舊有富商鄭鳳熾肩高背曲有似駱駝時人號爲鄭駱駝其家巨富金玉資貨不可勝數常與朝貴往還是勢傾朝市邸店田宅遍滿海內其家男女婢僕錦衣玉食服用器物皆盡一時驚異常嫁女娶婦邀請朝士往臨賓客數百人衆皆愕然不知誰是新婦又

嘗謁見口高宗請市終南山山中每樹估絹一疋自云山樹雖盡而臣絹未竭事雖不行終爲貴賤之所誦後犯事流瓜州會赦還及卒後子漸以窮迫又有商富王元寶者年老好戲諱出入市里爲人所知時人以錢文有元寶字因呼錢爲王老焉

西南隅羅漢寺

開皇六年雍州牧楚公豆盧勣所立也

十字街西之北辨才寺

本鄭孝王亮隋代舊宅亮之司空淮安王神通以開皇十年爲沙門智疑立此寺於羣賢坊以智疑辨才不滯因名寺焉武德二年移於此

東門之北慧日寺

開皇六年立本富商張通宅捨而立寺通妻陶氏常於西市鬻飯精而價賤時人呼爲陶寺寺內有九層浮圖一百五十尺貞觀三年沙門道□所立

次南曰崇化坊東南隅龍興觀

貞觀五年太子承乾有疾勅道士秦英祈禱獲愈遂立此觀垂拱中有道士成玄英長於言論著口老數部行於時也

東門之北經行寺

本長安令屈突蓋宅開皇十年邑人張緒市所立焉

西南隅淨樂尼寺

隋開皇六年所立

次南曰豐邑坊

南街西通延平門此坊多假賃方相送喪之具武德中有一人姓房好自矜門閥朝廷衣冠皆認以爲近屬有一人惡其如此設便云口口之先問周隋問房氏知名曰皆云是從祖從叔次曰豐邑公相與公遠近亦云是族叔其人大笑曰公是方相侄兒只可嚇鬼何爲誑人自是大媿遂無矜誑矣

東北隅淨虛觀

開皇七年隋文帝爲道士呂所立却穀煉氣故以淨虛爲名
次南曰待賢寺

此坊隋初立天下諸州朝集使邸故以待賢名之
東北隅會聖觀

開皇七年隋文帝爲秦王孝俊所立

次南曰淳和坊東南隅隱太子廟次南曰常安坊東南隅章懷太子廟
神龍中所立也

次南曰和平坊

坊內南北街之東築大莊嚴寺街西大總持寺

次南曰永陽坊

坊西南即京城之西南隅也

半已東大莊嚴寺

題兩京新紀

唐韋述撰兩京新記五卷宋史藝文志著於錄予偶得古抄本一册乃其第三卷而首又闕數紙焉卷尾題云寫金澤文庫本則是書之流播此間舊矣但其不完殊爲可惜已彼中撰著援引此書者絕罕唯宋程大昌雍錄明耶瑛七修類稿嘗一及之而其他無見也則疑其佚於彼焉及讀清人朱彝尊書熙寧長安志後云東西京記世無完書乃識其書雖存而非完本矣安知彼之所佚非我之所存乎嗚呼唐代遺風傳世者罕斷簡賸策固在可珍况兩京當時之盛亦可因以概見則在好古者尤所宜珍尙焉者抑亦覩隻羽片鱗以想夫龍鳳之姿也已未秋八月小盡日天瀑識

校正兩京新記

兩京新記卷第一

唐韋述撰

卷首 殘闕 京城之壯觀寺內有碑面文賀蘭敏之寫金剛經陰文寺僧懷仁集王羲之書寫太宗

聖教序及高宗述聖記爲時所重

次東曰輔興坊東南隅金仙女冠觀

景雲二年睿宗第八女西城公主及第九女昌宗公主竝出家爲立二觀改西城爲金仙昌宗爲玉真仍以公主湯沐邑爲二觀之口制度造爲京城之華麗口

西南隅玉真女官觀

木工部尙書莘國公寶誕宅武太后時以其地爲崇先府景雲二年爲玉真公主立爲觀事源物制與金仙同此二觀南街東當皇城之安福門西出京城之開遠門車馬往來實爲繁會而二觀門樓綺榭籥對通衢西土夷夏自遠而至者入城遙望窅若天中

次南曰頒政坊南門之東龍興寺

貞觀五年太子承乾所立西北隅本隋之慧雲寺舊有佛殿今見在有鄭法輪之書跡

十字街東之北建法尼寺

隋開皇三年坊人田通所立隋文帝初移都便出寺額一百枚於草堂下制云有能修造便任取之通孤貧子然唯有園堵之室乃發憤詣闕請額而還置於所居柴門甕牖上穿下漏時陳臨賀王叔教母與鄰居又捨宅以足之其寺口漸營建也

十字街北之東澄空尼寺

本工部尙書段綸之祖廟貞觀十七年立爲真空寺武太后改爲澄空寺

西北隅大崇福觀

本楊士宅咸亨中爲太平公主立有道士劉寶概者京兆三原人善講論爲時所重垂拱中

卒御史中丞李嗣真臨弔哭賦詩申意

次南曰布政坊西門之南法海寺

本隋江南總管清水公賀拔華宅開皇七年爲口沙門法海捨宅奏立爲寺因以法海爲名
咸亨元年寺內有英禪師口見鬼寺主沙門惠簡嘗日晚見二人行不踐地入英房中惠
簡怪而問之英曰向秦莊襄王遣人傳語饑虛甚久以師大慈從師乞一餐並從者三百許
人勿辭勞費也吾已報云後日晚食當來專相俟也惠簡便以酒脯助之至時秦王果至侍
從甚衆貴賤羅列食甚急謂英曰弟子不食八十年矣英問其故答曰吾生時未有佛法地
下見責功德吾但以放赦矜恤應之以福薄受罪未了受此一餐更口年矣因指坐上人曰
此是白起此是王剪爲殺人多受罪未了又指一人云是陳軫爲多虛詐亦受罪未了英曰
王何不從素食自受飢窘答曰慈心人少且餘人又不見吾貴人又不可妄作禍崇所以然
也因指酒脯曰寺主將來耶深有所媿臨去謂英曰甚媿禪師弟子有物在即送相償城東
通化門尖冢是弟子墓俗人不知妄云呂不韋冢英曰往遭赤發掘何得更有物在鬼曰賊
將糞物去好者深賊取不得今見在英曰貧道出家無用物處必莫將來言訖揖謝而去

北門之東濟法寺

隋開皇二年沙門法藏所立

十字街東之北明覺尼寺

本隋御史大夫裴蘊宅開皇中太保河間王弘立爲寺開皇七年鑄鐘未擊自鳴散騎常侍元行冲以贊其事焉

東北隅右金吾衛西南隅胡祆祠

武德四年所立西域胡天神佛經所謂摩醯首羅也

次南曰延壽坊南門之西懿德寺

隋開皇六年刑部尙書萬安公李回通所立神龍元年中宗爲懿德太子追福重加飾爲禪院內有大石白重五百斤隋末鄂縣人開法通自終南扛來法通少出家初極怯劣同侶輕之乃發憤乞願壯健晝夜不捨後因晝寐樹下口中涎沫流出三升其母驚遽呼覺通曰忽夢大人遣三馱蒯使通噉之適噉一馱便驚悟耳自爾健壯特異舉試大木石不以爲困此寺僧行戡本稱膂力通遂竊其袈裟舉堂柱以壓之行戡望見驚異盡力莫能取之通乃徐

舉柱以取衆大駭通力兼百人咸伏以爲神力

次南曰光德坊東南隅京兆府廡

後魏武光四年置府內廡宇竝隋開皇中制度其後隨事改作開元元年孟溫禮爲京兆尹奏以贖贖錢修理繕緝焉

西南隅勝光寺

本隋幽州總官燕榮宅寺西院有畫行僧及團花貞觀初中口令王定所寫爲京城所重

十字街東之北慈悲寺

武德元年高宗爲沙門曇獻所立初曇獻屬隋隋末饑饉常以賑濟貧乏爲事故以慈悲爲名

次南曰延康坊西南隅西明寺

本隋尙書令越國公楊素宅大業中素子玄感誅後沒官武德初爲萬春公主宅貞觀中賜漢恭王恭王死後官市立寺寺內有楊素舊井玄感被誅家人以金投井後人窺見鈎汲無

所獲今寺衆謂之靈井在僧廚院內初楊素用事隋朝奢僻過度制造珍異資貨儲積有美姬本陳太子舍人徐德言妻即陳主叔寶之妹才色冠代在陳封樂昌公主初與德言夫妻情義甚厚屬陳氏將亡德言垂淚謂妻曰今國破家亡必不相保以子才色必入帝王貴人家我若死幸無相忘若生亦不可復相見矣雖然共爲一信乃擊破一鏡各執其半德言曰子若入貴人家幸將此鏡合於正月望日市中貨之若存當冀志之知生死耳及陳滅其妻果爲隋軍所沒隋文以賜素深爲素所寵幸爲營別院恣其所欲陳氏後令闍奴望日齋破鏡詣市務令高價果值德言德言隨價便酬引奴歸家垂涕以告其故並取以片鏡合之及寄其妻題詩云鏡與人俱去鏡歸人不歸無復姮娥影空餘明月輝陳氏得鏡見詩悲愴流涕因不能飲食素怪其慘悴而問其故具以事故告素慘然爲之改容使召德言還其妻並衣衾悉與之陳氏臨行素邀令作詩叙別固辭不免乃爲絕句曰今日何遷次新官對舊官笑啼俱不敢方驗作人難時人哀陳氏之流落而以素爲寬惠焉

東南隅靜法寺

隋開皇十年右武侯大將軍陳國公竇機立西院中有水浮閣機弟璉爲母成安公主立高

一百五十尺皆伐機園梨木充用焉

次南曰崇賢坊十字街北之西大覺寺

開皇三年文帝爲醫人周子祭所立子祭家代方術深爲隋主所重其地本祭之佛堂也

西門之南法明尼寺

開皇八年長安富商王道賓捨家所立

次南曰延福坊西南隅紀國寺

開皇六年獻皇后爲母紀國夫人崔氏所立也

東南隅鄴王府

舊新都寺廢今爲鄴王府

次南曰永安坊次南曰敦義坊次南曰大通坊次南曰大安坊

坊南街抵京城之東面

右皇城西之十三坊

朱雀街西之第四街即皇城西第二街街西從北第一曰安定坊東南隅千福寺

本章懷太子宅咸亨四年捨宅立爲寺

西南隅福林寺

武德元年所立

東北隅五通觀

隋開皇八年爲道士焦子順所立子順能驅使鬼神受諸符籙預告隋文受命之應及即位授上開府永安公徐州刺史固辭常諮謀軍國出臥內帝恐其往來疲頓令選近於此立觀仍以五通爲名焉

次南曰休祥坊東北隅崇福寺

本開府儀同三司觀國公楊恭仁宅咸亨元年以武皇后外氏故宅立

東南隅萬善尼寺

周宣帝大象二年立開皇二年移此度周氏皇后嬪御已下千餘人爲尼以處之也
寺西昭成尼寺

先天二年爲昭成皇后立爲昭成寺

次南曰金城坊

本漢博望園之地初移都割以爲坊百姓分地板築土中見金欲取便沒以事上聞隋文曰
此朕之金城之化因以金城爲坊名

北門有漢辰園

即辰太子史良娣墓宣帝改葬於此其地本曰亭

園東南漢博望苑

漢武帝爲辰太子立木口門外道之東也

東南隅開善尼寺

隋開皇中宮人陳宣華蔡容華二人所立

西南隅會昌寺

義寧元年義師入關太宗頓兵於此武德元年因立此寺

十字街南之東樂善寺

開皇六年尉遲迥孫大師爲其祖所立焉

次南曰醴泉坊

開皇初築此坊忽聞金石之聲因掘得甘泉七所飲者疾癒因以名坊及寺焉

西南隅三洞女官觀

隋開皇七年所立也

觀北妙勝尼寺

開皇三年周平原公主所立

十字街北之西醴泉寺

初隋文此置醴泉監以甘泉水供御開皇十三年廢監立寺焉

十字街南之東波斯胡寺

儀鳳二年波斯王畢路斯奏請於此置波斯寺

西北隅秣祢次南曰西市

隋曰利人市南北盡兩坊之地隸太府寺市內店肆如東市之制市署前有大衣行雜糴貨賣之所記言反說不可解識市西北有溝池以爲放生之所池側有佛堂皆沙門法成所造市署前有市令載敏碑蒲州司兵徐彥伯爲其父立也

次南曰懷遠坊東南隅大雲經寺

開皇四年文帝爲沙門法經所立

寺內有二浮閣東西相值

隋文帝立塔內有鄭法倫田僧亮揚契丹畫跡及巧工韓伯通塑作佛像故以三絕爲名十字街東之北功德尼寺

隋開皇七年周宣帝女細要公主所立武德中移於此

次南曰闕下

成當往及經畢開元四年八十一卒給事中中裴子餘爲其碑文左衛長史郭謙光八分書之

次南曰永遠坊次南曰道德坊

隋有澄虛觀武德中廢

次南曰光行坊次南曰延祚坊

坊南街抵京城之南

右朱雀街西九坊

朱雀街西第二街北當皇城南面之含光門街西從此第一曰太平坊西南隅溫國寺

景龍九年煬帝爲溫王立寺內有淨土院爲京城之最妙

西門之北定永寺

隋開皇十年荊州總官上明公楊紀爲禪師慧能所立

東南隅舒王口名宅

今爲戶部尙書尹思貞居之

次南曰通義坊西南隅興聖尼寺

高祖潛龍舊宅武德元年以爲通義宮六年高祖臨幸大晏羣臣引見隣里父老班賜有差

貞觀元年立爲寺高祖寢室今見在景雲二年寢堂前枯柿樹忽更生枝條鬱茂如故有勅

封植焉

次南曰興化坊西南隅空觀寺

隋開皇七年右衛大將軍駙馬都尉洵陽公元孝矩捨宅立

西門之北今邠王守禮宅

宅南隔街有邪王府

次南曰崇德坊西南隅崇聖寺

隋仁壽元年秦孝王俊捨宅所立

東北隅證果尼寺

隋開皇二年立

次南曰懷真坊西南隅御史大夫樂思晦宅次南曰宣義坊次南曰豐安坊次南曰昌明坊次

南曰安樂坊

坊南街抵京城之南面

右朱雀街西第二街九坊

朱雀街之第三街即皇城西之第一街

南出安化門北出芳林門入苑

街西從北第一曰循德坊西北隅興福寺

本左領軍大將軍彭國公王君廓宅貞觀八年太宗爲穆皇后竇氏追福立制度華麗焉武
武太后移住東都至坊北隅牛住不行牽口益重其尼拜咒便動至都置於天堂後天堂災
因是燼滅

次南曰通軌坊次南曰歸義坊全一坊隋蜀王秀宅

隋文帝以京城南面闊遠恐竟虛耗乃使諸子竝於南郭立第時秀有寵封土殷富起第最
華今周垣舊跡見在秀死後口官今爲家令寺園

次南曰昭行坊

坊南街抵京城之南面

右皇城西之第二街之十一坊及西市

朱雀街西第五街即皇城西第三街街西從北第一曰修真坊

今坊之南門扉即周之太廟門板也

坊內有漢靈臺

漢平帝元始四年所立望雲物之所今餘趾高五尺周廻一百二十步

次南曰普寧坊

南街西出通開遠門

坊西街有漢大學餘趾

其地本長安故城南安門之外焉

次東漢辟雍

漢元始四年所立

東南隅東明觀

顯慶元年孝敬升儲所立規度口西明之制長廊廣殿圖畫雕刻道家館舍無以爲比觀內

有道士馮黃庭碑又有道士巴西李榮碑永樂李正己爲其父也

十字街東之北靈化寺

隋開皇二年沙門善告所立其地本告之宅講堂口有古冢不詳姓名高五丈僧徒射墓口

人儀丈偉然乘白馬著白袴褶翼從甚衆或有墾掘冢土多見災異焉

西北隅積善尼寺

隋左僕射齊國公高穎宅開皇三年穎捨宅奏立爲寺時有沙門信行自山東來穎立院以處之乃撰三階集三十餘卷大率以精苦忍辱爲宗言人有三等賢愚中庸今並教之故以三階爲名其化頗行故爲化度寺寺內有無盡藏院即信行所立京城施捨後漸崇盛貞觀之後錢帛金綉積聚不可勝數常使名僧監藏供天下伽藍修理藏內所供天下伽藍修理燕涼蜀趙咸來取給每日所出亦不勝數或有舉便亦不作文約但往至期還送而已貞觀中有裴玄智戒行修謹入寺灑掃十數年間寺內徒衆以其行無玷缺使守此藏後密盜黃金前後所漸略不知數寺衆莫之知也口便不還衆警觀其寢房內題詩云將軍遣狼口放置狗前頭自非阿羅漢誰能免作儻竟不知所之武太后移此藏於東都福先寺天下物口遂不復集乃還移舊所開元元年勅令毀除所有錢帛供京城諸寺修緝毀壞其事遂廢

西北隅積善尼寺

隋開皇十二年左僕射高穎妻賀拔氏所立

十字街東之北波斯胡寺次南曰居德坊

南街西出通金光門坊內隋有依法寶岸凝觀寺大業中口時凝觀寺有僧法慶造口口口
紵像未成恭死時寶昌寺僧大智同日亦卒三日口口去見官曹室殿上有一口口若王者
見法慶在前有一像忽來爲殿上人曰慶口我口口何乃令死便檢之簿云慶食盡而命未
終殿上口口口給荷葉也終其年言訖而忽失所在大智便蘇衆異之乃往凝觀寺問慶時
亦蘇說口口問遂不復能令每日朝進荷葉而拔齊時進入口口知口終身周流請乞以成其
口口今見在光天文寺渭南人單道琮永徽中因病風瘳後便皆食具不復經口但噉土飲
水以終其身時人謂口人口也

東南隅光天寺

口口口漢園丘餘趾光天元年改爲光天寺

西北隅普集寺

開皇七年突厥開府儀同三司鮮於遵義捨宅立寺傳口口曆帝西域胡人善咒術常咒枯楊使生枝葉

南門之西奉恩寺

本將軍尉遲樂宅神龍二年立爲寺也

次南曰羣賢坊東門之南直長受坊西南隅長安縣廡

去府六里

南門之東永泰寺

神龍中中宗爲永泰公主追福所立寺內東精舍有隋中大夫鄭法士畫釋迦滅度之變左

口廊有滕王庫真李雅畫聖僧之跡也

北門之東大法寺

武德中左光祿大夫口遠所立焉

十字街西之北崇義寺

武德二年桂陽公主爲駙馬趙慈景所立焉

次南曰嘉會坊西南隅哀義寺

木隋太保吳武公尉遲剛宅初剛兄迴置妙像寺於故都城中移都後剛捨宅復立於此改哀義寺其殿堂曰宇竝故都舊寺之材木

十字街西之北靈安寺

武德三年高祖爲衛懷王玄霸所立

次南曰永平坊東門之北宣化尼寺

隋開皇五年周昌樂公主駙馬都尉尉遲安捨宅立寺門金剛上人雅法雅所制頗有靈跡有一尼常傾心供養

曰心尼寺

開皇八年宦者儀同宗祥捨宅所立也

十字街東之北真化尼寺

開皇十年冀州刺史馮臘捨宅所立

東南隅中宗昭容上官氏宅

今爲南陽縣主所居之

次南曰懷德坊

口門之東舊有富商鄭鳳熾肩高背曲有似駱駝時人號爲鄭駱駝其家巨富金玉資貨不可勝計常與朝貴遊往因是勢傾朝市邸店田宅遍滿海內其家男女婢僕口口玉食服用器物皆盡一時之口常嫁女娶婦口請朝士拜常賓客數百人衆皆愕然不知孰是口婦又嘗謁見口高祖請市終南山中每樹口絹一疋自云山樹雖盡而臣絹未竭事雖不行終爲貴賤之所驚後犯事流瓜州會赦還及卒後子漸以窮迫又有富商王元寶者年老好戲謔出入市里爲人所知時人以錢文有元寶字因呼錢爲王老焉

西南隅羅漢寺

開皇六年雍州牧楚公豆盧勣所立也口口之先問周隋間房氏知名曰皆云是從祖從叔

次曰豐邑公相與公遠近亦云是族叔其人大笑曰公是方相姪兒只可嚇鬼何爲誑人自是大媿遂無矜誑矣

東北隅淨虛觀

開皇七年隋文帝爲道士呂所立呂却穀練氣故以淨虛爲名

次南曰待賢坊

此坊隋初立天下諸州朝集使邸故以待賢名之

東北隅會聖觀

開皇七年隋文帝爲秦王孝俊所立

口南曰瀆和坊南隅隱太子廟次南曰常安坊東南隅章懷太子廟

神龍中所立也

次南曰和平坊

坊內南北街之東築大莊嚴寺街西口總持寺

次南曰陽坊

坊西南即京城之西南隅也

半已東大莊嚴寺

隋初□□□三年爲獻后立爲禪定寺宇文愷以京城西有昆明池地勢微下乃奏於此建木浮圖高一百三十仞周匝百二十步寺內複殿重廊天下伽藍之盛莫與爲比大業末此寺有僧智興□□□□□□

十字街西之北辨才寺

本鄒孝王亮隋代舊宅亮子司空淮安王神通以開皇十年爲沙門智疑立此寺於羣賢坊以智疑辨才不滯因名寺焉武德二年移於此

東門之北慧日寺

開皇六年立本富商張通捨宅而立寺通妻陶氏常於西市鬻飯精而價賤時人呼爲陶寺內有九層浮圖一百五十尺貞觀三年沙門道□所立

次南曰崇化坊東南隅龍興觀

貞觀五年太子承乾有疾勅道士秦英祈禱獲愈遂立此觀垂拱中有道士成玄英長於言論著口老數部行於時也

東門之北經行寺

本長安令屈突蓋宅開皇十年邑人張緒市所立焉

西南隅淨樂尼寺

隋開皇六年所立

次南曰豐邑坊

南街西通口平門此坊多假賃方相送喪之具武德中有一人姓房好自矜門閥朝廷衣冠皆認以爲近屬有一人惡其如此設便云三途六趣聞此解脫時仲冬寒烈掌中凝口口告倦後寺僧三果有元住待賢坊因從煬帝南幸忽成夢其妻曰吾至彭城不達病死生於地獄艱苦常備口今日初聞禪定寺智興師鳴鐘響徹地獄同受苦者一時解脫令得託生思

報其思口具絹與之妻覺不信又夢如初妻辭以家貧無所得絹答曰有吏枉得三十匹不
合得用今吾將來置於後牀與是足矣妻警覺持火照牀果得絹三十疋遂發哀持絹送寺
數日而凶問至武德元年改爲莊嚴寺

半已西大總持寺

隋大業元年煬帝爲父文帝立初名禪定寺制度與莊嚴同亦有木浮圖高下與東浮圖不
異武德元年改爲總持寺今莊嚴總持即隋文獻后宮之號二寺門額並少詹事殷令名所
書竹林傳云隋代所賜至今儼然

右皇城西第三街之十三坊

題兩京新記後

唐韋述撰兩京新記五卷宋史藝文志著於錄予偶得古鈔本一冊乃其第三卷而首又闕數紙焉卷尾題云寫金澤文庫本則是書之流播此間舊矣但其不完殊爲可惜已彼中撰著援引此書者絕罕唯宋程大昌雍錄明耶瑛七修類稿嘗一及之而其他無見也則疑其佚於彼焉及讀清人朱彝尊書熙寧長安志後云東西京記世無完書乃識其書雖存而非完本矣安知彼之所佚非我之所存乎嗚呼唐代遺風傳世者罕斷簡賸策固在可珍況兩京當時之盛亦可因以概見則在好古者尤所宜珍尙焉者抑亦覩隻羽片鱗以想夫龍鳳之姿也已未秋八月小盡日天爆識

校正兩京新記跋

此書北宋完本尙存，故常山公據之以作長安志。即宋史藝文志所云，兩京新記五卷也。現行本長安志，萬年所理各坊，謬誤甚多；長安則自永達以下，毫無錯誤。此本所存，即自永達坊起，至篇末之永陽坊止，中間雖有錯亂却無缺損，似此殘卷明代中土猶存並無錯亂，故作僞者得有所依據。流入日本，不知何時；錯簡之處，當由此際發生。蓋彼土人不明中國地理，偷線裝或冊頁亂置，收藏者即難爲整理，而錯亂於以出焉。中土此書殘缺，當在北方金人據中原時即然。現行本長安志，長安所理，自永達以上五坊，四坊可議。第一長和坊全文佚去。第二通化坊則誤爲敦化坊。第三豐樂坊正合。第四安業坊。第五崇業坊，則大可指摘焉，崇業坊之玄都觀；唐會要已明言其在安善坊。則第五坊固非崇業也。且字文愷築羅城時，以靖善安善二坊，正當九五貴位，不欲常人居之；故於靖善一坊，築大興善寺，安善一坊，

築玄都觀以鎮之。是靖善安善二坊，固不宜有居宅也。裴度宅在永樂與靖善相近，且爲小人所構，倘非君臣相得，禍即不測矣。現行本長安志崇業坊內，有居宅家廟；則崇業坊，決非安善坊原地明矣。但安善之上，祇有四坊地位；而長和通化豐樂崇業五坊之名，皆見於唐人之記載，又不能減去其一。故據理窺測，崇業當由安業所改。因安業所記，有隋代唐中業以上事；崇業止記唐中業以後事也。文字雖有後人追書，界限不能十分嚴密；大致尙可得而見之。故知安業崇業，當是一坊；而安善自爲一坊也。但指安善爲崇業，金時已然；南宋張茂中遊城南記，卽如是立說，曰至崇業坊，覽玄都觀之遺址是已。宋人於唐代遺址，俗訛已多；最不可通者如曲江之上，分列六小坊是。因隋唐於此固不置一坊也。楊炎以家廟近曲江，且獲大罪，況有居民乎？分列六小坊，自是宋時民居情形；不可誣以爲唐也。玄都觀所在地，而名爲崇業，此自可認爲金時情事，亦不得云唐也。金時之謬，當由不見舊籍所致。兩京新記殘文，於玄都觀，止留尾文數句，亦不知所云何事。假定此書金時卽

如此，正可使金人不明安善坊之情形。因此，此書之殘，當斷爲靖康以後，兵燹所致。今陳子怡君將其錯亂之處，按長安志正之；使各歸其正，文理燦然；則此殘本之流行，當比前更爲暢達矣。

中華民國二十五年四月十五日

張繼

中華民國二十五年四月三十日初版

校正兩京新記

校正者

西京籌備委員會
專門委員 陳子怡

出版者

西京籌備委員會

代印者

地址：北院門八一號
西安和記印書館
電話：二百六十七號

版權所有
翻印必究

6
002643